



Broj: 05/1-50-13-29-20-3/16
Sarajevo, 11.5.2016.

ZAPISNIK

20. sjednice Nezavisnog odbora Parlamentarne skupštine BiH

Sjednica je održana 11.5.2016., s početkom u 17 sati.

Sjednicu je sazvao Žiko Krunić, predsjednik Nezavisnog odbora.

PRISUTNI ČLANOVI NEZAVISNOG ODBORA: Žiko Krunić, predsjednik Nezavisnog odbora, Enes Obralija, prvi zamjenik predsjednika Nezavisnog odbora, Mato Jozić, drugi zamjenik predsjednika Nezavisnog odbora, Ilma Mehić-Jusufović, Adisa Begić, Nikola Džambas, Mate Miletić, Ljubomir Kuravica, Miroslav Škorić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednicu su pratili i Zoran Žuža iz Sektora za odnose s javnošću Sekretarijata Parlamentarne skupštine BiH, te Dijana Šatara i Senad Zlatar, predstavnici OHR-a.

Sjednicom je predsjedavao predsjednik Nezavisnog odbora Žiko Krunić.

Konstatirajući da postoji kvorum za rad, otvorio je 20. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 19. sjednice Nezavisnog odbora;
2. Pritužba Svevlada Hoffmanna na rad zamjenika direktora Granične policije BiH, zaprimljena u Parlamentarnoj skupštini BiH 20.4.2016., broj: 05/1-50-17-1189/16;

3. Razmatranje Informacije Tužilaštva BiH, dostavljene od Ministarstva sigurnosti BiH, broj: 01-34-3-2678-1/15, od 5.4.2016.;
4. Tekuća pitanja.

Ad.1. Usvajanje Zapisnika 19. sjednice Nezavisnog odbora

Zapisnik 19. sjednice Nezavisnog odbora usvojen je jednoglasno bez primjedbi.

Ad.2. Pritužba Svelada Hoffmanna na rad zamjenika direktora Granične policije BiH, zaprimljena u Parlamentarnoj skupštini BiH 20.4.2016., broj: 05/1-50-17-1189/16

U uvodu u ovu tačku dnevnog reda predsjednik Nezavisnog odbora Žiko Krunić napomenuo je da je pritužba Svelada Hoffmanna na rad zamjenika direktora Granične policije BiH zaprimljena i blagovremeno dostavljena svim članovima Nezavisnog odbora. Također je napomenuo da je u međuvremenu upućen dopis direktoru i zamjeniku direktora Granične policije BiH da se očituju na navode iz pritužbe, čiji je odgovor i pristigao danas, na dan održavanja sjednice. Uzimajući u obzir sve navedeno, predsjednik Nezavisnog odbora otvorio je raspravu o ovoj tački dnevnog reda. U raspravi je učestvovala većina članova Nezavisnog odbora nakon koje je, u skladu s članom 14. stav (2) Poslovnika o radu Nezavisnog odbora, jednoglasno usvojen

ZAKLJUČAK

Pritužba Svelada Hoffmanna na rad zamjenika direktora Granične policije BiH je neosnovna i kao takva se i odbacuje, o čemu će podnosilac pritužbe biti pismeno obaviješten.

Ad.3. Razmatranje Informacije Tužilaštva BiH, dostavljene od Ministarstva sigurnosti BiH broj: 01-34-3-2678-1/15, od 5.4.2016.

U uvodu u ovu tačku dnevnog reda predsjednik Nezavisnog odbora Žiko Krunić naglasio je da je Ministarstvo sigurnosti BiH Nezavisnom odboru prosljedilo akt Tužilaštva BiH u kojem se navodi da je donesena naredba u provođenju istrage između ostalih i protiv Đure Kneževića, zamjenika direktora Državne agencije za istrage i zaštitu BiH.

Predsjednik Nezavisnog odbora otvorio je raspravu o ovoj tački dnevnog reda. U raspravi je učestvovala većina članova Nezavisnog odbora. Na kraju rasprave članovi Nezavisnog odbora dogovorili su se da na sljedeću sjednicu Nezavisnog odbora pozovu direktora i zamjenika direktora Državne agencije za istrage i zaštitu BiH s kojima će razgovarati o ovoj temi.

Ad.4. Tekuća pitanja

U okviru ove tačke dnevnog reda nije bilo rasprave.

Predsjednik Nezavisnog odbora Žiko Krunić zaključio je sjednicu u 18,30 sati.

SEKRETAR
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Žiko Krunić